

Ze wos Bergsteign

T & M: Sepp Messner (Windschnur)

Bb **F7**
Ze wos Bergsteign, ze wos do auisteign,
F7 **Bb**
Tuasch do grad auisteign und obn amanonder steign,
F7
Tuasch obn umisteign, donn wieder umersteign.
Bb
Muascht irgendwo einisteigen, muascht wieder außersteign.
Eb
Und irgendwonn muasch wieder oarsteign,
F7 **Bb**
hasch jo net gebraucht aizusteign.

Bbm **F7**
Mei Freind hot mi überred, donn bin I mitgongen - des wor a Gfredd,
Bbm
gonz friah honn i miaßn aufistian, weil so weit wor do aui zu gian,
Bbm **Ebm**
und a so wia die meischn hon i aui miaßn kreischtn.
Bbm **F7** **Bbm**
Bold hon i mi derniaht, weil I hon Fuaßplotern kriagt.

Der rauschende Boch, wor des a läschtige Soch,
de blödn Vögl hobm gsungen, gonz antrisch hot's geklungen.
Und des Gejodle auf der Olm hot miar überhaupt net gfoln.
I geah niamehr mit, i bleib do heruntn, donn wer i net aso derschuntn.

F7

Deswegn:

Ze wos Bergsteign, ze wos do auisteign,
.....
isch decht a Bledsinn des Bersteign.

Ju hu hu hui, pfui pfui, des ischt nix für mi

Wos in der Werbung oft siggsch, ischa vieles a Kitsch,
und wos sie nou dazua tian sogn, ischt' s'Meischte derlogn.
Des Olpngliahn und die Bliamelien bliahn isch so schian

(na so schian isch's a wieder net)

Und s'Edelweiß so schian weiß, so schian weiß

(s'isch überhaupt net weiß, des isch hellgrau - honn i selber gsegn)

Mit die bleedn Olpnoasn oder wia die Staudn olle hoaßn,
honn i miar die Haxn derkraht - des hot mir a no gfaht.

Ju hu hu hui - pfui pfui

Köfl und Stoane liegn amanond, es schaug aus wia obn afn Mond
Olls isch nocket und lahr, weit und broat koane Bar.
A Gewitter isch kemmen, gonz schnell hobm mir miaßn rennen,
durch und durch noss bis auf die Haut - der ganze Tog wor versaut!

Deswegn:

Ze wos Bergsteign, ze wos do auisteign,
Tuasch do grad auisteign und obn amanonder steign,
Tuasch obn umisteign, donn wieder umersteign.
Muascht irgendwo einisteigen, muascht wieder außersteign.
Und irgendwonn muaß jedr oarsteign,
i wer nimmer auisteign.
I bleib heruntn im Tol, do fühl i mi wohl
zum Wohl